

# LETTRE DE Monsieur de Vendosme au Roy.

J

**SIRE,**  
Ayant tenu, depuis l'adue-  
nement de vostre Majesté à la  
Couronne, toutes mes actions en  
vne profonde innocence, & ne-  
antmoins esprouué vn traicte-  
ment bien esloigné de celuy que  
ie deuois attendre: mes maux à la  
longue m'ont faict venir la paro-  
le, pour la supplier tres-humble-  
ment d'y faire apporter du reme-  
de. Passant par dessus les an-  
ciens pour venir aux plus recens,  
vous sçauéz, **SIRE**, le comman-  
dement que la Royneme fist au  
mois de Ianuier dernier en vostre

presence, de ne partir point de la  
 Cour, pour quelque cause que ce  
 fust, iusques à ce que i'en eusse la  
 permission, encores que ce fust à  
 la ruine de mes affaires domesti-  
 ques, qui demandoient dès ce  
 temps-là vn ordre tres-prompt.  
 Je ne laissay pas neantmoins d'o-  
 beyr : dix-huict iours apres sans  
 estre conuaincu d'auoir essayé de  
 me departir de l'obeyssance, me  
 reposât sur le tesmoignage d'vne  
 droicte conscience, & sur la seure-  
 té où ie croyois estre en Cour, ie  
 fus faiet prisonnier & gardé en la  
 sorte que vostre Majesté a sceu:  
 neuf iours apres Dieu me trai-  
 ctant selon la pureté qu'il auoit  
 tousiours veu en mes intentions,  
 me mist en liberté, & au lieu de  
 m'inspirer vne retraicte courte &  
 aisee, m'en conseilla vne tres-

longue & impossible; sil ne  
 m'eust conduit par la main, pour  
 me rendre dans mes maisons, &  
 me faire par ce moyen euit  
 le blasme que vostre Majesté  
 m'eust peu donner si ie me fusse  
 retiré ailleurs. Ceste procedure,  
 SIRE, me sembloit propre  
 à procurer la paix à celuy qui  
 monstroit si clairement ne respi-  
 rer autre chose. Je suis bien esloi-  
 gné de la iouyssance d'un si reglé  
 desir, ie n'ay pas esté plustost icy  
 que i'ay sceu premierement, que  
 Nantes, & depuis que toute la  
 prouince estoit en armes contre  
 moy, les bruiets encores n'eussent  
 pas eu la force d'esmouuoir ma  
 creance; mais estants tombé entre  
 mes mains deux domestiques de  
 Monsieur de Montbazon, ie les  
 ay trouuez saisis d'une commis-



sion & de deux lettres de cachet,  
 pour me deposseder du gouuer-  
 nement du Comté de Nantes, &  
 transferer ma charge audit sieur  
 de Montbazon. Si i'ay deu con-  
 cevoir de là vne douleur plus sen-  
 sible que la mort mesme, vostre  
 Majesté le peut iuger, d'autant  
 plus que la Commission m'a ap-  
 pris que le mesme mal m'estoit  
 fait en tout le reste de mon gou-  
 uernement, où i'ay sçeu d'ailleurs  
 que les autres Lieutenans estoient  
 prests à se rendre chacun d'eux  
 avec ma despouille en son depar-  
 tement: En Cour, quand i'ay de-  
 siré d'en partir pour mes affaires  
 domestiques, on me l'a deffendu,  
 Ayant defferé à la deffence, on  
 m'a fait prisonnier, Dieu m'ayant  
 eflargy & rendu en ma maison, sa  
 bonté est deuenu crime pour

5  
moy, on m'a despoüillé de mon  
gouuernement : Ce n'est pas en-  
cores assez, on a armé cõtre moy,  
ie ne suis plus asseuré en aucun  
lieu, S I R E; iamais personne n'eut  
tant d'occasion de demander iu-  
stice à son Roy. Releuez moy,  
i'en supplie tres-humblement  
vostre Majesté, de toutes ces affli-  
ctions, i'ay innocemment & vti-  
lement seruy, ie ne dois donc pas  
estre despoüillé de ma charge, ie  
suis en estat paisible : Il n'est par  
consequent aucun besoin d'ar-  
mer la Prouince contre moy. Par  
ma naissance, & par tant d'autres  
grands respects ie suis plus atta-  
ché au seruice de vostre Majesté  
qu'aucun du Royaume, cela doit  
faire mieux iuger de moy que de  
ceux en qui on prend icy toute  
confiance: ie tiens du feu Roy vo-

estre pere, mon honneur, mes biens & tout ce que i'ay eu en ce monde, il est viuant en vostre personne, ie suis bien fondé à vous supplier de me vouloir traitter comme il m'a traitté, outre la reputation de iustice que vostre Majesté en remportera. Vostre prouince de Bretagne sera remise en paix, la consequence s'en pourra estendre plus loing, & moy en estat de vous pouuoir seruir de la vie & des biens aux occasions, où i'auray l'honneur d'estre employé, que i'attendray avec patience, & les executeray avec la fidelité,

SIRE,

De vostre tres-humble, tres-obeyssant, tres-fidele seruiteur & subiect.

CESAR DE VENDOSME.

*A Ancenis ce premier iour de Mars, 1614.*



*Lettre de Monsieur le Prince,  
à Monsieur le Prince de  
Conty.*

**M**ONSIEUR, ie ne scau-  
rois assez regretter que  
vostre fanté soit vn iu-  
ste empeschement à ne  
vous voir selon vostre courage  
affectié au seruice du Roy, par  
vostre Prince, à ce qui est de nos  
sinceres intétions, dont par l'en-  
uoy de ce Gentilhomme & cop-  
pie de la lettre que i'escriis à la  
Royne, vous cognoistrez la  
verité. le vous supplie donc (com-  
me estant du sang Royal) com-  
me proche du Roy, interessé à  
l'estat, & mon seul oncle secon-  
der, ou vostre indisposition vous  
retient, nos iustes deffains, ten-

dant sans armes à la reformation  
de l'Estat. Surquoy l'on arme  
non pour sauuer l'estat : Mais  
pour conseruer l'ambition de  
ceux qui sont causes de ses desor-  
dres. Aydez aussi ie vous supplie  
par vostre courageuse interces-  
sion, à la deliurance de Monsieur  
de Vendosme, & à la correction  
des desordres, par vne assemblee  
d'Estat, que ie requiers à sa ma-  
jesté. A quoy ie vous supplie vous  
ioindre, Vous suppliant me te-  
nir à iamais,

Monseigneur,

*Vostre bien humble Neveu  
& seruiteur,*

Henry de Bourbon

De Mesieres ce 18. Feburier 1614.